

Čovjek

<"xml encoding="UTF-8?">

ČOVJEK



(Počast čovječijeg roda (Ademova potomstva

Mi smo zaista sinove Ademove odlikovali; dali smo im da kopnom i morem putuju, i opskrbili ih ukusnim jelima, i dali im velike prednosti nad mnogima koje smo stvorili (El-Isra, 70)

1. Božiji Poslanik, s.a.v.a.: "Nema plemenitije stvari za Allaha od Ademova roda!" Neko upita: "O Božiji Poslaniče, zar nisu melecii?!" Poslanik odgovori: "Melecii su prisiljeni, kao Sunce i Mjesec." (Kenzul-'ummal, 34621)
2. Božiji Poslanik, s.a.v.a.: "Nema stvari da je bolja od hiljadu sebi sličnih osim čovjeka." (Kenzul-'ummal, 34615)
3. Imam Sadik, a.s., kada ga je upitao Abdullah ibn Senan: "Ko je plemenitiji, melecii ili čovjek?" odgovorio je: "Rekao je zapovjednik vjernika Ali ibn Ebi Talib, mir neka je na nj: "Allah, dž.š., podario je melecima razum, a ne strasti a životinjama strasti a ne razum, a čovjeku je podario oboje. Kod koga razum nadvlada strasti, on je bolji od meleka, a kod koga strasti (nadvladaju razum, on je gori od životinje." (El-Bihar, 60/299/5

Razlog stvaranja čovjeka

Džine i ljude sam stvorio samo zato da Mi se klanjaju (Ez-Zarijat, 56)

A da je Gospodar tvoj htio, sve bi ljude sljedbenicima jedne vjere učinio. Među-tim, oni će se uvijek u vjerovanju razilaziti, osim onih kojima se Gospodar tvoj smiluje. A zato ih je i stvorio (Hud, 118-119)

4. Imam Ali, mir neka je na nj: "Naređeno vam je da budete bogobožni spram Allaha, a stvoreni ste radi dobročinstva i pokornosti." (Šerhu Nehdžil-belagati libni Ebil-Hadid, 3/108)
5. Imam Husejn, mir neka je na nj: "O ljudi, zaista je Allah, dž.š., stvorio ljude da Ga spoznaju, a kada Ga spoznaju, robuju Mu, a kada Mu robuju, postaju neovisni o robovanju svemu osim Njemu." Upita ga neko: "O sine Boži-jeg Poslanika, i majku i oca bih dao za tebe, šta je spoznaja Allaha?" On odgovori: "Spoznaja kojom ljudi spoznaju Imama svakog vremena kojem su se obavezni pokoravati." (El-Bihar, 23/83/22)
6. Imam Sadik, a.s., kada ga je poricatelj Boga upitao zbog čega je Bog stvorio stvorenja, a On nema potrebe za njima i nije prisiljen da ih stvori a Njemu ne dostoji ni da se igra sa njima: "Stvorio ih je da bi objelodanio Svoju mudrost, primijenio Svoje znanje i uspostavio Svoju vlast." (El-Bihar, 10/167/2)
7. Imam Sadik, a.s., o Božijim riječima: Oni će se uvijek u vjerovanju razilaziti, osim onih kojima se Gospodar tvoj smiluje. A zato ih je i stvorio: "Stvorio ih je da bi uradili ono što (zaslužuje Božiju milost i da im se smiluje." (Nurus-sekalejn, 2/404/250)

Slabost čovjekova

Čovjek je stvoren kao nejaklo biće (En-Nisa, 28)

1. Imam Ali, mir neka je na nj: *"Jadan li je čovjek! Smrt mu je pokrivena, bolest skrivena, djelo sačuvano, komarac ga uznemirava, ubija ga gušenje, zaudara mu znoj."* (Nehdžul-belaga, mudrost 428.)
Mjerilo čovjeka
2. Imam Ali, mir neka je na nj: "Vrijednost čovjeka je u njegovim dvama malim organima: srcu i jeziku. Ako ratuje sa srcem ratuje, a ako govori jezikom jasno i čujno govori." (Gurerul-hikem, (2089)